

Маййит учун муҳим нарсалар



11:58 / 03 сентябрь 1268

Бир мусулмон вафот этса, қолган мусулмонлардан унинг вафотини билганларга тўрт нарсани кифоя тарзида фарз бўлади. Яъни, ўша нарсаларни улардан баъзилари адо этса, кифоя қилади. Агар бир кишигина билса, ўша бир кишининг ўзига фарз бўлади.

Мазкур тўрт нарсани – маййитни ювиш, кафанлаш, намозини ўқиш ва дафн қилишдир.

Абдуллоҳ ибн Аҳмад раҳматуллоҳи алайҳи «Муснад» китобида Убай ибн Каъб розияллоҳу анҳудан қуйидагиларни ривоят қиладилар:

«Одам алайҳиссаломнинг жонини фаришталар қабз қилганларидан сўнг у кишини ювдилар, кафанладилар, хушбўй нарсани суртдилар, қабр қазидилар, лаҳад қилдилар, жаноза намози ўқидилар, сўнгра қабрга қўйдилар-да, устларидан ғишт териб, қабрдан чиқиб, тупроқ тортдилар ва «Эй Бани Одам, ушбу – суннатимиздир», дедилар».

Маййит ювилаётганида кийимлари ечилади. Киндиги билан икки тиззаси ораси тўсилади. Орқасига мойил қилиб, ўтирғизилади. Қорнини бир неча марта силаб, ичидан ортиқча нарсалар чиқарилади. Кейин авратини тўсган ҳолда чалқанча ётқизиблиб, ювиш бошланади. Аввал таҳорат, кейин ғул қилдирилади.

Маййитни ювиб-тараб, озода, хушбўй қилиб кафанлаш, унга жаноза намози ўқиш Парвардигорига чиройли ҳолда рўбарў келиш учундир.

أَهْنَعُ هَلَلًا يَضْرَعُ طَعْمًا نَع
هَلَلًا لُؤْسَرًا لَأَقُ تَلَأَقُ
يَفَمًّا لَسَوِ هَيْلَعُ هَلَلًا يَلَصُ
نَأْذِبًا هِتَنْبًا لِسَغُ
ءُؤُضُؤُلًا عِضْأَوْمَ وَهِنَمَ أَيَمَبُ
ةَسْمَخْلًا هَأَوْرَ .أَهْنَمُ

Умму Атийя розияллоҳу анҳодан ривоят қилинади:

«Расулуллоҳ соллаллоҳу алайҳи васаллам қизларини ювишда (юувчи аёлларга) ўнг тарафларидан бошланглар, унинг таҳорат жойларидан бошланглар», дедилар».

Бешовлари ривоят қилганлар.

Шарҳ: Бу гапни Пайғамбаримиз соллаллоҳу алайҳи васаллам қизлари Зайнаб розияллоҳу анҳонинг жанозаларида айтганлар. Зайнаб розияллоҳу анҳо Абу Осс ибн Робеъ розияллоҳу анҳунинг завжалари эдилар.

Маййитни юваётган киши қўлига латта қўлқоп кийиб олиб, олдин мустаҳаб қилдиради. Кейин бошқа қўлқоп кийиб олиб, ният билан таҳорат қилдиради. Сўнгра эса бошидан сув қуйиб, ғусл қилдиради.

«Ҳадис ва ҳаёт» китоби асосида тайёрланди

